

ՀՈՎԻԻԻ ՏԵՂԵԿԱԳԻՐ

1971 ՏԱՐԵՇՐՁԱՆԻ

Արտ. Օբյեկտ

Ուրախութեամբ կը հաղորդեմ թէ Աստուծոյ ողորմութեամբ եւ մեր ծխականներու նիւթական եւ բարոյական զոհողութեան շնորհիւ բոլորած ենք յաջող տարի մը:

Մէկ տարուան ընթացքին ունեցած ենք հետեւեալ գործունէութիւնը:

Եկեղեցական պաշտամունքները կեդրոնը կազմելով մեր կրօնական կեանքին, ամէն Կիրակի եւ տօնական օրերուն կատարած ենք եկեղեցական պաշտամունք եւ խօսած առուր պատշաճի քարոզ հայերէն ու Անգլերէն լեզուներով առ ի շինութիւն մեր հաւատացեալ ժողովուրդին: Մեծ Պահքի մէջ ամէն Ձորեքշաբթի երեկոյեան ժամը 7ին ունեցած ենք հսկումի արարողութիւն: 1971 տարեշրջանին կատարած ենք հետեւեալ խորհրդակատարութիւնները: Մկրտութիւն 3, Պսակ 3, Թաղում 6:

Ծնունդին եւ Ձատկին կատարած ենք տնօրհնէք, իսկ Մէմորելը Տէյին առթիւ օրհնած անք Հայ ննջեցեալներուն գերեզմանները: Վերոյիշեալներէն զատ այցելած ենք հիւանդներուն եւ սգաւորներուն: Առաջնորդարանի Կանոնադրութեան տրամադրութեան համաձայն նախագահած ենք Ծխական Խորհուրդի եւ եկեղեցական կազմակերպութիւններու ժողովներուն:

Փետրուար 9 ին, Տիկին Վայլէթ Կալազանի եւ Տիար Եղուարդ Սիմոնեանի հետ ներկայ եղանք Քանձրընս ավ Ջըրչի սարքած ճաշկերոյթին:

Մարտ 37 ին Սաութ Ջըրչի մէջ խօսեցայ Մեծ Պահքը Հայ Եկեղեցւոյ մէջ նիւթի շուրջ: Ապրիլ 30 ին եւ Մայիս 1 եւ 2 ծուխիս երկու երեսփոխաններուն հետ մասնակցեցանք 69րդ. Թեմական Պատգամաւորական ժողովին որ գումարուեցաւ Գանատայի Մօնթրէալ քաղաքին մէջ:

Յունիս 13 ին Արմինեըն Լիկի տուած ճաշկերոյթին ներկայ ըլլալով սեղանը օրհնեցինք: Դեկտեմբեր 8 ին Տհը նիւ-Պրիթըն Ինտաստրելը Մէնէնմընթ Գլապ սարքած ճաշկերոյթին ներկայ եղանք եւ սեղանը օրհնեցինք:

Խօսքս վերջացնելէ առաջ կը փափաքիմ յիշեցնել թէ Հայ Եկեղեցւոյ պայծառութիւնը կախում ունի մեր ցոյց տալիք նուիրումէն ու նախանձախնդրութենէն:

Տէրը օրհնէ համայնքիս ազնիւ ժողովուրդը եւ պարգեւէ մեզի երկնային իմաստութիւն ու բարի առաջնորդութիւն որ կարենանք ծառայել իր փառքին ու մեր եկեղեցիին ու ազգին:

*Մայրոս Թոմ. Կառնուրայ
Պատրիարք:*